



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

06 թվականի 2013թ.

թիվ 1069-Ն

ՀՐԱՄԱՆ

**<<ԼՈՆԳ-ՍԱՂԻՏ>> ՍՊԸ ՆԿԱՏՄԱՄԲ (ՀՀ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԿՈՂՄԻՑ
2013 ԹՎԱԿԱՆԻ ՀՈՒՆՎԱՐԻ 10-ԻՆ ՏՐՎԱԾ ԹԻՎ ՇԽ-262 ՇԱՀՈՒՄՈՎ ԽԱՂԻ
ԿԱԶՄԱԿԵՐՊՄԱՆ ԼԻՑԵՆԶԻԱ) ՊԱՏԱՍԽԱՆԱՏՎՈՒԹՅԱՆ ՄԻՋՈՑ ԿԻՐԱՌԵԼՈՒ
ՄԱՍԻՆ**

Հիմք ընդունելով հետևյալ փաստական հանգամանքները.

1. <<Լոնգ-Սաղիտ>> ՍՊԸ-ն (այսուհետ՝ Ընկերություն) խախտել է <<Շահումով խաղերի և խաղատների մասին>> ՀՀ օրենքի (այսուհետ՝ Օրենք) 10-րդ հոդվածի 1-ին մասի պահանջն, այն է՝ Ընկերությունը մինչև 2013 թվականի հոկտեմբերի 31-ը չի ներկայացրել 2013 թվականի երրորդ եռամսյակի համար համապատասխան տարածքային հարկային մարմնի տեղեկանքը՝ հաշվետու եռամսյակում հարկերի և օրենքով սահմանված այլ պարտադիր վճարների գծով կազմակերպչի պարտավորությունների մասին (այսուհետ՝ Տեղեկանք),
2. ՀՀ ֆինանսների նախարարի 2013 թվականի հոկտեմբերի 21-ի թիվ 926-Ա հրամանով Օրենքի 13-րդ հոդվածի 2-րդ մասի <<ը>> կետի հիման վրա՝ Ընկերության նկատմամբ, որպես պատասխանատվության միջոց կիրառվել է տուգանք երկու հարյուր հազար ՀՀ դրամի չափով,
3. ՀՀ ֆինանսների նախարարի 2013 թվականի նոյեմբերի 13-ի թիվ 993-Ա հրամանով Օրենքի 10-րդ հոդվածի 1-ին մասի պահանջը խախտելու համար, Օրենքի 13-րդ հոդվածի 2-րդ մասի <<թ>> կետի հիման վրա՝ Ընկերության նկատմամբ, որպես պատասխանատվության միջոց կիրառվել է տուգանք հարյուր հազար ՀՀ դրամի չափով,
4. ՀՀ ֆինանսների նախարարի 2013 թվականի հուլիսի 10-ի թիվ 553-Ա հրամանը, որի հիման վրա Ընկերությանը ՀՀ ֆինանսների նախարարության կողմից 2013 թվականի


հունվարի 10-ին տրված թիվ ՇԽ-262 շահումով խաղի կազմակերպման լիցենզիան ուժը կորցրած ճանաչման հայցով դիմվել է դատարան, համապատասխան հայցը 2013 թվականի օգոստոսի 13-ի որոշմամբ ընդունվել է վարույթ (վարչական գործ թիվ Վ.Դ/7178/05/13),

հաշվի առնելով, որ սույն հրամանի 1-ին կետում նշված խախտումը հանգեցնում է Օրենքի 13-րդ հոդվածի 2-րդ մասի <<ե>> կետով սահմանված պատասխանատվության միջոցի՝ տուգանքի կիրառմանը (երկու տարվա ընթացքում երրորդ անգամ թույլ է տվել տուգանքի կիրառման համար հիմք հանդիսացող խախտում), հիմք ընդունելով 2013 թվականի դեկտեմբերի 04-ին կայացած վիճակխադերի, շահումով խաղերի և խաղատների լիցենզավորման հանձնաժողովի նիստի արձանագրությունը և առաջնորդվելով Օրենքի 15-րդ հոդվածի 1-ին մասի <<բ>> կետով՝ (լիազոր մարմինը լիցենզիայի գործողությունը դադարեցնում է՝ եթե կազմակերպիչը նույն օրենքի 13-րդ հոդվածին համապատասխան տուգանք կիրառելուց հետո՝ երկու տարվա ընթացքում, երրորդ անգամ թույլ է տվել տուգանքի կիրառման համար հիմք հանդիսացող խախտում)՝

Հ Ր Ա Մ Ա Յ ՈՒ Մ Ե Մ

1. <<Լոնգ-Սպլիտ>> ՍՊԸ-ի կողմից <<Շահումով խաղերի և խաղատների մասին>> ՀՀ օրենքի 10-րդ հոդվածի 1-ին մասի պահանջը խախտելը, որպես ևս մեկ հիմք օգտագործել դատարանում <<Լոնգ-Սպլիտ>> ՍՊԸ-ին ՀՀ ֆինանսների նախարարության կողմից 2013 թվականի հունվարի 10-ին տրված թիվ ՇԽ-262 շահումով խաղի կազմակերպման լիցենզիան ուժը կորցրած ճանաչելու համար:
2. Սույն հրամանը կարող է բողոքարկվել վարչական կարգով սույն հրամանն ուժի մեջ մտնելու օրվանից վեց ամսվա ընթացքում կամ դատական կարգով՝ օրենքով սահմանված ժամկետներում:

ՆԱԽԱՐԱՐ



Դ. ՍԱՐԳՍՅԱՆ